

## **Komentar tabele: Cijene životnih namirnica po kantonima i FBiH za juni/lipanj 2010**

Federalno ministarstvo trgovine na osnovu podataka o cijenama životnih namirnica koje dobivamo od kantonalnih/županijskih ministarstava nadležnih za oblast trgovine, pravi mjesečno analizu cijena životnih namirnica po kantonima i za Federaciju BiH. Podatke smo dobili za 9 kantona. (Unsko-Sanski kanton nije dostavio podatke).

Iz dobivenih podataka kantona/županija za juni/lipanj 2010. godine može se uočiti da je na nivou Federacije BiH došlo do pada cijena brašna i ulja za 6 odnosno 5 indeksna poena. Cijene šećera su porasle za 5 indeksnih poena, a cijene maslaca za 4 indeksna poena.

Nadalje, posmatrajući cijene životnih namirnica u kantonima/županijama može se zaključiti sljedeće:

Najviša cijena brašna tip 500 je u Zeničko-Dobojskom kantonu, a najniža u Zapadno Hercegovačkom kantonu. To je zato što u tom kantonu dostavljaju cijene pakovanja u vrećama od 25 kg. pa je pretvoreno u 1 kg. jeftinije nego pakovanje po 1 kilogramu.

Cijene kruha/hljeba su najviše u Sarajevskom a najniže u Herceg-Bosanskom kantonu. Može se primjetiti da su cijene ovog proizvoda pale u Zeničko-Dobojskom i Posavskom kantonu za 11 i 5 indeksnih poena a u Srednje Bosanskom porasle za 5 poena.

Cijena mlijeka je najniža u Zeničko Dobojskom, a najviša u Herceg-Bosanskom kantonu.

Cijena ulja je najviša i ista u HNK i Zeničko Dobojskom kantonu a najniža u Tuzlanskom kantonu.

Cijena maslaca je najviša u Zapadno Hercegovačkom, a najniža u Posavskom kantonu.

Šećer je poskupio za 27 indeksnih poena u Bosansko Podrinjskom, te 5 poena u Tuzlanskom i Sarajevskom kantonu. Najviša cijena je u Ze-Do kantonu, a najniža u HNK kantonu. Cijena soli je opala za 16 indeksnih poena u Zapadno Hercegovačkom kantonu a porasla za 6 indeksnih poena u Posavskom kantonu.

Cijena deterdženta je pala za 10 indeksnih poena u Tuzlanskom a porasla za 13 poena u Srednje Bosanskom kantonu.